

Na osnovu člana 2.13 stav (1) tačka 4. Izbornog zakona BiH ("Službeni glasnik Bosne i Hercegovine" broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), a u vezi s članom 60. Pravilnika o provođenju izbora u Bosni i Hercegovini broj:05-1-02-2-605-1/24 od 03.05.2024.godine, Općinska izborna komisija Teočak, raspisuje

JAVNI OGLAS **za prijavu kandidata za kontrolora izbornih rezultata**

I. Predmet javnog oglasa

Objavljuje se Javni oglas za prijavu kandidata za kontrolora izbornih rezultata.

II. Poslovi kontrolora izbornih rezultata

Kontrolor izbornih rezultata obavlja sljedeće poslove:

- obučava supervizora izbornih rezultata i referente za unos izbornih rezultata;
- vrši korekcije u aplikaciji za unos izbornih rezultata matematičkih nepravilnosti u statističkim podacima na svim biračkim mjestima na kojima nisu ispoštovane sve propisane matematičke radnje i to:
 - a) vrši poređenje broja potpisa i broja glasačkih listića u glasačkoj kutiji te korigira u testu tačnosti ukoliko nije ispravno utvrđeno u testu tačnosti, isto tako mijenja upisani broj potpisa ukoliko je birački odbor umjesto broja potpisa naveo podatak broja imena na Izvodu iz Centralnog biračkog spiska,
 - b) korigira zbir broja nevažećih neoznačenih i nevažećih ostalih glasačkih listića ukoliko nije tačno izvršen,
 - c) korigira ukupan broj važećih glasačkih listića ukoliko nije ispravan i ne predstavlja sumu svih glasova po kandidatima za većinski glas ili sumu glasova po političkim partijama za sistem proporcionalnu zastupljenost,
 - d) korigira zbir ukupnog broja nevažećih glasačkih listića i ukupnog broja važećih glasačkih listića ukoliko nije ispravno utvrđeno,
 - e) korigira u testu tačnosti poređenje ukupnog broja glasačkih listića u glasačkoj kutiji i zbira ukupnog broja nevažećih glasačkih listića i ukupnog broja važećih glasačkih listića ukoliko nije ispravo utvrđeno.

III. Uslovi za imenovanje:

Opći uslovi:

- Prijavljeni kandidat je državljanin Bosne i Hercegovine s pravom glasa.
- Za kontrolora izbornih rezultata ne može biti imenovano lice (član 2.3. Izbornog zakona BiH):
 1. koje se ne može kandidirati u smislu odredbi članova 1.6, 1.7 i 1.7a Izbornog zakona BiH;
 2. koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora);
 3. koje je nosilac izabranog mandata ili je član izvršnog organa vlasti, osim u slučajevima predviđenim članom 2.12. stav (4) Izbornog zakona;
 4. koji je kandidat ili je bio kandidat za bilo koji nivo vlasti na posljednjim općim i posljednjim lokalnim izborima; i
 5. kojem je izrečena kazna za radnju koja predstavlja težu povredu izbornih zakona ili propisa za koju je lično odgovorno, u posljednje četiri godine, računajući od dana pravosnažnosti odluke.

Posebni uslovi:

- da ima najmanje završenu srednju školu, odnosno IV. ili V. stepen stručne spreme;
- da posjeduje aktivno znanje rada na računaru;
- da ima izbornu iskustvo (odnosno rad na poslovima kontrolora izbornih rezultata, rad na poslovima supervizora izbornih rezultata, rad na poslovima unosa izbornih rezultata i rad u biračkom odboru kao predsjednik ili član biračkog odbora).

IV. Potrebna dokumentacija:

1. Prijava na javni oglas (popunjen obrazac za prijavu kandidata za kontrolora izbornih rezultata),
2. Potvrda o prebivalištu,
3. Ovjerena kopija univerzitetske diplome/svjedočanstva o završenom školovanju,
4. Rješenje/uvjerenje o izbornom iskustvu.

V. Rok za podnošenje prijave

Rok za podnošenje prijave je petnaest (15) dana od dana objave javnog oglasa na oglasnoj ploči Općine Teočak, na internet-stranici Općine Teočak i sredstvima javnog informisanja.

VI. Organ za provođenje postupka

Proceduru izbora kandidata po javnom oglasu provodi Općinska izborna komisija Teočak.

VII. Ostale informacije

Izborna komisija će nakon završene procedure po javnom oglasu imenovati kontrolora izbornih rezultata (**ukupno 2**) na period od 5 godina. Imenovani kontrolor izbornih rezultata, da bi bio angažovan, dužan je proći obuku, testiranje i certificiranje koju će organizovati i provesti Centralna izborna komisija Bosne i Hercegovine. Izborna komisija će certificirane kontrolore izbornih rezultata angažovati prilikom provedbe izbora, na poslovima kontrole izbornih rezultata, za koje poslove je predviđena naknada za kontrolora izbornih rezultata. Visinu naknade određuje Općinska izborna komisija Teočak. Obrazac prijave je sastavni dio javnog oglasa.

Prijavu na javni oglas kandidati dostavljaju u zatvorenoj koverti u sjedište Općinske izborne komisije Teočak sa naznakom:

Općinska izborna komisija Teočak

Adresa: Centar bb, 75414 Teočak

„Prijava na javni oglas za kontrolora izbornih rezultata-ne otvarati“.

Nepotpune i neblagovremene prijave Općinska izborna komisija Teočak neće uzeti u razmatranje.

Broj:01/3-17/26

Teočak, 15.05.2026.godine



Predsjednica OIK-a Teočak

Ramiza
Bilalić Ramiza

**OBRAZAC ZA PRIJAVU KANDIDATA ZA
KONTROLORA IZBORNIH REZULTATA**

GRAD _____

Ime i prezime: _____

JMB: _____

Prebivalište: _____

Kontakt telefon: _____

Trenutno zaposlenje: _____

Stepen stručne spreme: SSS VŠS VSS _____ (zaokružiti odgovarajući odgovor)

Podaci o izbornom iskustvu: _____

Poznavanje rada na računaru: _____

Osnovno Srednje Napredno _____ (zaokružiti odgovarajući odgovor)

Pod punom krivičnom i materijalnom odgovornošću izjavljujem da nisam lice na koje se odnose utvrđene nespojivosti sa članstvom u izbornoj administraciji propisane članom 2.3 Izbornog zakona Bosne i Hercegovine, a koje se navode u tekstu javnog oglasa u dijelu II Uslovi za imenovanje/opći uslovi tačka 2.

Prijavu podnosi:

(Mjesto, datum)

Potpis: _____

Broj l/k: _____

Izdato od: _____

Prilozi-obavezna dokumentacija uz prijavu:

- a) Prijava prebivališta,
- b) Ovjereni kopija univerzitetske diplome/svjedočanstva o završenom školovanju,
- c) Rješenje/uvjerenje o izbornom iskustvu.